



ŝenoprazo Z.  Speco de ajlo (*alium schoenoprasum*).

* **Serci** (ntr). 1 Diri aŭ fari ion celante amuzi k ridigi. 2 Neserioze paroli : *~e dirite, cele pensite* Z.

* **Ŝi** (G). Ununombra virina pron. de tria persono.

ŝika B. Laŭmode bongusta.

ŝilo Z.  Blanketa likvaĵo, kiu formiĝas en la intestoj dum la digestado.

* **Ŝildo**. 1 Diversforma malmola kovrilo, kiun la antikvaj militantoj portis per maldekstra brako por sin ŝirmi kontraŭ batoj k jetoj : (f) *li estas mia helpo k ~o* Z. Kp **ŜIRMILO**. 2 Tabuleto pendigita super butiko aŭ gastejo kun signoj aŭ skriboj anoncantaj la specon de komerco : *por vino bona ~o ne bezona*. **Blazon**~o. Tabuleto en formo de milit~o, sur kiu estas pentritaj insignoj de iu nobelo, regno, urbo, korporacio, kc.

Ŝilingo. Angla monero.

* **Ŝimi** (ntr). 1 Kovriĝi per tre malgrandaj k maldikaj funetoj, kiuj, pro malsekeco aŭ putriĝo, naskiĝas sur la supraĵo de organikaj substancoj : *la nevenditaj libroj ~as sur la bretoj*. Kp **PUTRI**, **MUCIDA**. 2 (f) Resti longe forlasita k senutila : *li ~is en senaktiveco k enuo*.

* **Ŝindo**. Ligna tegolo.

* **Ŝinko**. Salita aŭ fumajita femuro de porko.

ŝintoismo. Nacia religio de Japanoj.

* **Ŝipo**. Ĉiaspeca veturilo por veturi sur akvo : *vel~o, komerc~o, milit~o, kiras~o; ~on rompitan ĉiuj ventoj atakas* Z. Kp **JAŬTO**. Vd **PRUO**, **POŬPO**, **KILO**. *~i Z* (ntr). 1 Iri, veturi per ~o. 2 (tr) Transporti per ~o : *~adi brullignon* Z. **~ano**. Homo, kies metio estas servi sur ~oj : *la ~anoj devas obei la ~estron* Z. **~aro**. 1 Aro da ~oj kolektigitaj por kune veturi. 2 Organizita grupo da diversspecaj milit~oj, estrita de admiralo. 3 Tuto de la komerc- aŭ milit~oj apartenantaj al iu regno. **~eto**. Malgranda kunferdeka ~o (Kp **BARKO**, **BOATO**, **ŜALUPO**). **El~ejo**. Loko aranĝita por faciligi la surterigon de la ~veturantoj ; kajo.

* **Ŝiri** (tr). 1 Rompi ion, forte tirante : *~i fulnenon* B, *paperon* B ; *~u rozojn en*

somero, ĉar en vintro ili ne estos Z ; *~u vin en du partojn, la mondo trian postulos* Z ; *de~i por si la florojn de la plezuro* Z ; *spesmito superflua poŝon ne ~as* Z ; *la akvoj ~as la bordojn* B ; (f) *neatendita morto ~is* (rabis) *lin el nia rondo* ; (f) *ni ~is* (rompis) *ĉiujn rilatojn kun ili* ; *muslino ~igas facile*. 2 Malfacile tiri : *sin ~i el la manoj de iu* B ; *de~i felon de bovo* Z ; *el mia bus' la panon ili ~as* ; *li el~is el ŝia mano la argentan pelvon* Z ; *el~i al iu la okulojn* ; *el~i ion el la manoj de iu* B ; *el~i* (elradikigi) *la herbaĉojn el ĝardeno* ; *mi el~os ilin el ilia lando* Z ; (f) : *subita bruego el~is lin el liaj mediloj* B ; *el~i iun el la dormo* Z ; *mi ne povis de~i min, de~i miajn okulojn de tiu grandioza spektaklo* ; *oni for~is homojn de ilia laboro* B ; *la Romanoj for~is de la Kartaganoj la komercon de la Mediteraneo* ; *li el~igis el ŝiaj brakoj* ; *terura krio el~igas el mil brustoj* B. 3 (f) Kaŭzi akran doloron : *~anta, kor~anta krio*.

* **Ŝirmi** (tr). 1 Kovri iun aŭ ion por evitiĝi materian difekton : *la ombrelo ~is nin de la pluvo* B, *kontraŭ la pluvo* ; *la remparo ~as la soldatojn de la kugloj* B ; *ni estis ~ataj kontraŭ la vento per la maso de la preĝejo* ; *ĉe tri flankoj la urbo estas ~ata de l' maro k marĉoj kontraŭ la atakoj*. 2 Defendi iun aŭ ion por evitiĝi materian difekton : *la polico sukcesis ~i la fremdulojn* B ; *la faraono ~is la Fenicianojn kontraŭ la Asirianoj* B ; *ne traktatoj sed armeoj povas ~i la limojn* B. 3 Fortigi de iu aŭ ion dangecon aŭ abstraktan malhonon : *eduki la infanojn tiel, ke ili estu ~ataj kontraŭ la superstiĉoj* ; *ŝi vojaĝis nokte por ~i sin de la sciavolo k respektemaj salutoj de la loĝantoj* B ; *tiu longa pripensado ne ĉiam ~is min de* (kontraŭ) *eraro* Z. Kp **GARDI**, **PROTEKTI**. **~ilo**. Ilo por ~i : *lampo~ilo, lum~ilo, fajro~ilo, kot~ilo, okul~ilo, man~ilo* ; *esp. estas la plej bona ~ilo por gardi la naciajn lingvojn de konstanta difektigado*. Kp **ŜILDO**, **BASTIONO**, **REMPARO**, **EKRANO**.

ŝlako C = skorio.

* **Ŝlimo**. 1 Akvemoligita kota tero kuŝanta sur fundo de marĉo, lago, rivero ks. 2 (f) Malgloro, malnobla stato. Kp **KOTO**, **MARĈO**, **FEĈO**.